



# EVROPSKA UNIJA I BOSNA I HERCEGOVINA

Status članstva: Zemlja kandidat

#ZapadniBalkan

#EUProširenje



novembar 2023. godine

EU je potvrdila evropsku perspektivu za sve partnere sa Zapadnog Balkana na Samitu Evropskog vijeća u Solunu u junu 2003. godine. Bosna i Hercegovina je podnijela zahtjev za članstvo u EU u februaru 2016. godine. Evropska komisija je usvojila Mišljenje o zahtjevu za članstvo u maju 2019. godine. Na osnovu preporuke Komisije iz oktobra 2022. godine, Evropsko vijeće je Bosni i Hercegovini dodijelilo kandidatski status u decembru 2022. godine.




## EU FINANSIRANJE

EU je najveći pružalac finansijske pomoći Bosni i Hercegovini. EU podržava socijalno-ekonomski razvoj i temeljne reforme u Bosni i Hercegovini putem finansijske i tehničke pomoći kroz **Instrument prepristupne pomoći (IPA)**.

Za period **2021 - 2023.** godine, sredstva iz IPA III za nacionalne programe iznose preko **256 miliona eura za Bosnu i Hercegovinu**. To uključuje i **70 miliona eura** za trenutne mjere iz **Energetskog paketa podrške** za 2023. godinu, od čega je već 90% distribuirano kao pomoć za ugrožene porodice i za mala i srednja preduzeća koja se suočavaju s rastućim cijenama energenata. Aktivnosti su također usmjerene ka pružanju podrške mjerama politika kako bi se ubrzala energetska tranzicija.

Od 1999. godine, EU je obezbijedila **3,2 milijarde eura** u kreditima za Bosnu i Hercegovinu putem Evropske investicijske banke.

EU je najveći  
trgovinski partner  
Bosne i  
Hercegovine



u 2022.

Izvor: Eurostat



## TRGOVINA I INVESTICIJE

Ukupna strana direktna ulaganja EU u Bosni i Hercegovini dosegla su 5,3 milijarde eura u 2022. godini.

Ukupna vrijednost trgovine robom sa EU iznosila je gotovo 15,1 milijardi eura u 2022. godini.

## KLJUČNI DATUMI

**JUNI 2015.**

Sporazum o stabilizaciji i pridruživanju stupa na snagu

**FEBRUAR 2016.**

BiH podnosi zahtjev za članstvo u EU

**MAJ 2019.**

Evropska komisija objavljuje Mišljenje o zahtjevu BiH za članstvo u EU

**DECEMBAR 2019.**

Evropsko vijeće odlučuje podržati 14 ključnih prioriteta

**OKTOBAR 2022.**

Evropska komisija preporučuje kandidatski status za BiH

**DECEMBAR 2022.**

Evropsko vijeće dodjeljuje BiH status kandidata za članstvo u EU

**NOVEMBAR 2023.**

Evropska komisija preporučuje otvaranje pristupnih pregovora s Bosnom i Hercegovinom kada se postigne neophodan stepen usklađenosti sa kriterijima za članstvo



## LJUDSKI KAPITAL

EU posvećuje posebnu pažnju mladima, obrazovanju i inovacijama, te pomaže Zapadnom Balkanu da implementira program Garancija za mlade kako bi se podržalo zapošljavanje mladih.

Više od 15.300 učesnika učestvovalo je u studentskim razmjenama između EU i Bosne i Hercegovine u oblastima obrazovanja, obuke, mladih i sporta u okviru programa ERASMUS+ (2014.-2020.).

EU je obezbijedila 45 miliona eura podrške civilnom društvu (2014.-2023.).



## EKONOMSKI I INVESTICIJSKI PLAN

Ekonomski i investicijski plan (EIP) za Zapadni Balkan, koji je pokrenut 2020. godine, ima za cilj da mobilizira do 30 milijardi eura u saradnji sa međunarodnim finansijskim institucijama do 2027. godine. U okviru EIP-a za Bosnu i Hercegovinu, EU je već mobilizirala **3 milijarde eura** investicija, od čega je 934 miliona eura u grantovima.

Ključni projekti EIP-a u javnom sektoru za Bosnu i Hercegovinu, odobreni između 2020. i 2023. godine, podržavaju **održivi transport, obnovljivu energiju, okoliš i klimu.**

Na primjer, investicije pomažu:

- izgraditi dionice autoputa i poddionice Koridora Vc
- u rehabilitaciji i modernizaciji crpne hidroelektrane Čapljina
- u rehabilitaciji i modernizaciji sarajevskog sistema vodosnabdijevanja

### Očekivani rezultati do 2030.



**152 km** autoputa  
izgrađeno



**1 luka unutrašnjih plovnih  
puteva i 40 km** vodotoka  
obnovljeno



**182 MW** kapaciteta obnovljive  
energije instalirano



Poboljšane vodovodne i  
sanitarne usluge za  
**770,000 ljudi**

[ec.europa.eu/neighbourhood-enlargement](https://ec.europa.eu/neighbourhood-enlargement)  
[facebook.com/EUnear](https://facebook.com/EUnear) | [x.com/eu\\_near](https://x.com/eu_near)  
[instagram.com/eu\\_near](https://instagram.com/eu_near)